

2.  
DISSERTATIO  
INAUGURALIS  
MEDICO PRACTICA  
— DE  
PHTHISI PULMONALI  
QUAM  
ANNUENTE INCLYTA FACULTATE  
M E D I C A  
IN  
ANTIQUISSIMÆ ET CELEBERRIMÆ  
UNIVERSITATIS VINDOBONENSIS  
P U B L I C Æ  
DISQUISITIONI SUBMITTIT  
THOMAS LARISCH,  
HUNGARUS SCHEMNICZIENSIS  
DISPUTABITUR IN UNIVERSITATIS PALATIO  
Die X Mensis Februarii  
MDCCLXXXIV.

---

TYPIS CHRISTIANI FRIDERICI WAPPLER.



EXCELLENTISSIMO

A C

ILLUSTRISSIMO

DOMINO DOMINO

L U D O V I C O

C O M I T I


A B

ERDÖDY

I N

MONYOROKEREK,

PERPETUO AC HÆREDITA-  
RIO COMITI COMITATUS ET  
ARCIS WARASDINENSIS, DOMINO  
DOMINIORUM MONYOROKEREK,  
DOMINO MONTIS CLAUDIS, SZELIN, ET  
VIDISS SACRÆ CÆSARÆ, REGIÆQUE A-  
POST. MAJESTATIS CAMERARIO ACTUALI  
DOMINO DOMINO GRATIOSISSIMO.



EXCELLENTISSIME

A C

ILLUSTRISIME

C O M E S!

**N**on est EXCELLENTISSI-  
ME AC ILLUSTRISIME CO-  
MES cur hic more clientum  
consueto in laudes TUAS  
inops encomiasta effundar.  
Non est, cur hic virtutum  
TUARUM & Natalium TUO-  
RUM splendorem fufe depræ-  
di-

dicem, utpote quæ tanta sunt,  
tamque varia, & adeo in or-  
bem nota, ut nullo amplius  
præcone indigeant, & me ce-  
lebrare volentem imbecillitatis  
ingenii mei commonefaciant,  
quo ea obfuscarem potius, quam  
illus trarem. Sufficiat in testi-  
mo-

monium TUI rei litterariæ amoris, & quam indignum censeas Majorum TUORUM imaginibus insolenter gloriari, quam vero potius dignum eorum vestigia recte factis premere, sufficiat inquam, si eam benevolentiam publice com-

memorem, quam mihi extri-  
buere non dubitasti, dum mi-  
hi nunquam TIBI antea noto,  
nullo officio de TE merito,  
precanti solum benigne annuis,  
ut hoc pro obtinenda docto-  
ratus laurea inaugurale speci-  
men TUO Nomini consecrem.

Ac-



Accipe ergo EXCELLENTIS-  
SIME AC ILLUSTRIS-  
SIME COMES has studiorum meo-  
rum primitias

donec quid grandius ætas  
forsque ferat melius  
placida ac clementissima fron-  
te, & me TUO, quo nunc cœ-  
pisti

pisti, favore impofterum fove,  
ita vehementer, quafi in eo mihi  
fita fint omnia, etiam atque  
etiam rogo.

EXCELLENTISSIMI AC ILLU-  
STRISSIMI COMITIS

Humillimus  
Thomas Larifch.

## Ad Lectorem!

En brevem Dissertatiunculam stylo humili scriptam Lector benevole! in qua si vitia (de quo non dubito *errare enim humanum est*) repereris, absque calumnia corrige, eaque artis difficultati, & meæ imbecillitati adscribe. Vale.





DISSERTATIO  
INAUGURALIS  
MEDICO PRACTICA  
DE  
PHTHISIPULMONALI.

Φθίσις, Phthisis φθίω, φθίωω, Phrhisis  
& φθίνωω *corrumpo, consumo*, <sup>quid. :</sup>  
*extenuo, in tabem resolvo, deficere*  
*facio*, significat in genere tabem,  
seu totius corporis consumptio-  
nem, in specie vero, & proprie  
est ulcus pulmonum a materia  
acri, erodente excitatum, quod  
frequens tussis, febris lenta si-  
mul,

mul, & totius corporis consumptio consequitur. *Thomas Erasmus, Helideus de Padoanis.*

Ejus contagium.

Morbus hic inter contagiosos refertur a *Galeno de difer. febr. c. 2.* *μασπυρα* enim illa, que *phthifici* exhalant, ab aliis cum aëre in pulmonem attracta, similem in eo dispositionem inducunt, & hinc *Phthisim* excitare valent. *Riverius prax, fol. 479.* inter morbos valde contagiosos *Phthisim* numerat, aitque: *Periculosum esse etiam cubiculum ægrotantis accedere; quod etiam Jonstonus Id. Mod. fol. 457* confirmat, dum scribit. *Possè sane Phthisim contrahi non solum per anbelitum phthificorum, sed etiam per spiritum, qui in sectis felibus, & canibus expirat. Unde etiam Matthiolus refert: Multos cum felibus delectarentur, inspirato inde diutius una cum aëre*

eorum spiritu in tabem iucidisse, vitiato pulmone. Sed non solum antiqui, sed etiam recentes Practici id opinantur, inter quos plures *Cell. Morgagnius* cadavera phthysicorum secare timuit, credens, se infectum iri. *Illinus v. Swieten T. 6. p. 14* ait: *Quin imo licet tantus sputorum fœtor non adsit, mali tamen quid ab habitu deploratorum phthysicorum metuendum videtur.* Idem plures alii. Quæritur nunc, an, & quomodo fides habenda? ad quod respondco: si miasma hoc adeo contagiosum esset, tunc in tanta multitudine phthysicorum timendum esset, ne non tantum Medici omnes, sed & alius conditionis homines infectum pergant; jam vero nil fit tale, proinde si agit, videtur sub ultima sua tempora, dum summa humorum dissolutio adest, agere posse, quem-

ad-

madmodum synochus Putris se gerere communiter solet.

**Pars affecta.** Pars affecta sunt pulmones, quorum substantia mollis rara, & fungosa, ut foliis instar aëre impleri & distendi possit citra noxam, ideoque prompte ab humoribus eroditur acribus, atque exulceratur, uti *Gal. L. 1. de locis affectis C. 1. notat*; nec totus semper adficitur pulmo; sed modo dextra, modo sinistra pars ulceratur, sunt enim lobi pulmonum intermediis membranis diremti, nec vel continuitatem, vel contiguitatem habent, hinc est, quod uno totaliter consumto, alter suo adhuc fungatur officio; & licet cavæ thoracis partes aspera arteria, & fauces exulcerentur, unde etiam tussicala, febris, tabes, seu totius consumtio consequitur, proprie tamen  
Phthi-



Phthisis dici non potest, nisi pulmones simul ulcere sint affecti.

Differentiæ desumuntur a forma, a Materia, causis efficientibus, ab Origine. *A forma*, sunt enim benigna ulcera; vel cacoëthica, & ita mali moris, ut vitiata pulmonum temperies sanguinem alimentosum corrumpat, & in materiam purulentam, vel puri analogam (ut patet in illa Phthisi Viennæ frequentissima) convertat. *A Materia* quòd alia quando ipsa pulmonis substantia aliquando ejus vasa lædantur. *A Causis*. *causis* alia est a catartho neglecto, alia a ruptura vasorum post Hæmoptœn, aut tumorem seu inflammationem in suppurationem versam. *Ab Origine*: alia per essentiam, alia per consensum, quando nempe pulmones obnativam, vel etiam acquisitam debi-

litem Phthifi laborant. Nativam plerumque habent debilitatem homines elati, macilenti, ingenio præcoci, genis candidis & amoene roseis, collo longo, scapulis elatis, thorace plano & angusto, cute pellucida, sanguine valde rutilo, tenui, dissoluto, acri, calido, fibra debili, irritabili donati, quales Vinicolæ, & tales vocantur *Pectorosi Engbrüstig*, Græce *stenothoraces*. Per consequm, quod materia aliunde V. G. ex Larynge, aspera arteria, aliisque partibus ad pulmones deferatur.

*Divisio.* Phthifis dividitur in primariam & secundariam. Primariam appellant suapte ortam, nullo alio præcedente morbo productam; quæ omnino rarissima est, cum alterius cujusdam morbi plerumque sit pedisequa: secunda-

dariam vero, quæ rationem sufficientem existentiae suæ in alio prægresso, morbo agnoscit, & hæc frequenter comparet

Origo duplex

Morbus hic duplici ratione oritur, vel enim est pure in pulmone concluso & latente. quod continuo in sanguinem stillat, eum destruit febrim hæticam, excitat febrem dico continuam remittentem auctam post pastum, & ad vespertas noctu paulisper sudore largo solutam, donec circa meridiem febris nova insurgat. Contingit hoc in vomica hic clausa. Subinde tamen fit, ut pauxillum puris resorbeatur, & eliminetur per alvum, sudores, urinam, ctenim hæc tria habentur puris collatoria; sic visa est apud *magnif. de Haen* parotis pus continens, una nocte disparens, alvo purulenta judicari, similiter per cutem, renes

educitur. Melior, commodior, tutior per renes, quam per alvum censetur evacuatio, utpote; si hæc fiat, plerumque in putrilaginem massa hominum conversa est. Sed hic sermo est de pure pauco concluso, quod resorptum ex integro est, inde fit, ut parietes sacci collabantur, collapsi concrecant; ut hac ratione vomicæ parvæ, pure educito, consolidationi sit locus, sæpe vero ob callositatem loci aut nihil, aut tenuior puris pars in circulum trahitur; hoc si fiat, vomica pulmonum clausa diu aut innocua, aut non advertenda latere potest, quin conclusi puris effectus advertantur. Jam vero si status hic in longius pergat, pus serpit reptendo ulterius, morsque tragœdiam claudit.

Duplicem supra Phthiseos originem notavi, & primo quidem a vomica clausa, sed non solum pus conclusum, rodens, depascens, in massam humorum deductum, sed & libere fluens phthificos facit persæpe; etenim tantum non raro puris conficitur, ut humores boni ex eorundem magna in pus conversione, deficient homini, mortemque oppetant miser, fluido ad vitam requisito utpote vix non omni in Pus converso orbatus. Accedit: si locus major suppuret continuo, quo fit, ut continuo aliqua sui parte pus in circulum abeat, & sanguinem destruat. Patet hoc in abscessu aperto majori in plaga quadam vulnerata V.G. post extirpatam mammam &c.

Causæ.

Ennumerabo nunc causas, quarum cognitio diversam medendi methodum indicat in hoc morbo, simulque ad firmam statuendam Prognosim facit quam plurimum. Sunt autem sequentes: Partium naturalis ut in prædispositis, vel acquisita imbecillitas per evacuationes magnas sanquineas, lacteas, feminales, & alias, per morbos acutos longos; aeris excessus magni tam quoad frigus, quam quoad calorem, frigus enim dum vasa pulmonum stringit; facile ad rupturam cogit; durum enim potius rumpitur, quam extenditur aut dilatatur; calor autem humiditati conjunctus perspirabile supprimendo, humoresque insuper rarefaciendo, vasa distendit, & rumpit. Ita ex temporibus anni autumnus tabidis maxime noxius est; deinde ver humores in hyeme coacervatos fundit,

præ.

præcipue cum fici folia cornicis  
 pedibus similia fuerint. *Aestate*  
*sicca & aquilonia, autumnno vero*  
*pluvioso & australi vebementes*  
*capitis dolores in hyeme &*  
*tusses, & raucedines, & grævedi-*  
*nes, nonnullis etiam tabes sunt ex-*  
*spectandæ Hipp. 3. aph. 13.*

Cibus quoque & potus, vitio-  
 sos & acres succos faciens; item  
 calcis recens extinctæ evaporatio;  
 in conclavi itaque recens dealba-  
 to, vel ædificato dormire, peri-  
 culosum esse ob Phthisim iude me-  
 tuendam, ratio & experientia do-  
 cent, halitus enim ille, & eva-  
 poratio calcis pectori inimicissima  
 pulmones exulcerant, hinc mu-  
 rarii plerique Phthisi intereunt;  
 hinc etiam in Austria frequentior  
 est Phthisis ob calcis copiam, quæ  
 aere sicco una cum pulvere in  
 patria ventosa frequenter inspira-



tione ad pulmones attrahitur.  
 Tempus ætatis est adolofcentia,  
 & quidem ab anno 18. ufque ad  
 35. aquo tempore malo Phthifeos  
 ætatis juvenilis flos obnoxius est,  
 inquinamento enim tabifico ma-  
 gis succumbunt adolefcentes &  
 juvenes, quam fenes, & pueri,  
 quia hi non habent humores ita  
 acres ad erodendum aptos. Gal.  
 in libro tertio, quando morbos  
 fecundum ætates enarrabat, ait  
 aphorism. 29. Τοῖσι δὲ νευνισκοῖσιν,  
 αἱματος πλῆσιες φθίσεις. id est, Ado-  
 lefcentibus fanguinis exspuitiones,  
 tabes: idque non ætatis ratione  
 fieri ait Galenus ibidem, fed quia  
 in ætate ea immoderate fere om-  
 nia fiunt, ait ex accidenti acci-  
 dere tabem. Juvenes & adolef-  
 centes abundant copia fanguinis  
 feryidi & biliofi, hinc fit, ut cor-  
 rodantur, & corrumpantur faci-  
 lius vafa, tum etiam ob immode-



rata exercitia, & alia in victu errata; raro autem pueris & senibus hæc contingunt, illis ob blandum & halituosum calorem, his vero, quia minor est in corpore senili calor. Pleuritis & Peripneumonia suppurata est causa frequens, sed multo sæpius catarrhus neglectus, catarrhus inflammatorius aut subinflammatorius; plerique enim homines Pleuritide vel Peripneumonia laborantes auxilium in tempore a medico rogant; ubi in catarrho faciunt secus, credentes, morbum levem & suapte curandum, aut. ut quidam volunt, generosioris vini poculo curandum. Scrophulæ, tubercula etiam ut causæ veniunt, si nempe inflammentur & suppurent, sic visi sunt homines scrophulosi, quorum scrophulæ facta generosiori medicatione datis quidem ab initio sol-

ventibus lenioribus, dein vero acrioribus, & tandem acerrimis indolentes, & fors tota vita innoxie perferendæ inflammabantur, inflammatae suppuravere: quare probe attendatur in scrophulis, & universim in tumoribus quibuscunque indolentibus duris curandis, ut si non suapte emendentur, aut si leniora remedia non profint, validiora in usum nequaquam trahantur, quoniam intempestiva valensque talis medicina (ut patet) Phthisim immedicabilem induit. Hæmoptoës ad finis illa Pleuritidi frequenter quoque in Phthisim convertitur, præcipue vero si hæc species opio, adstringentibus, ut cortice peruviano, tormentilla, aqua glaciali frigida curetur, qui mos multis celebratur, tali ratione remedium sua occasione salutare fit summe perniciosum. Calculi, vulnera  
pul.

pulmonis, fistula ejusdem aphtis obfessa huc etiam spectant; item parentes phthifici, qui genitura tabido rore perfusa transplantant labem per generationem in sobolem, non solum enim figuram partium externamque effigiem proli communicant, sed & internam sæpe dispositionem, & pro robore viscerum languiditatem relinquunt, sicque;

*Qui vires in foliis venit ab radicibus humor,*

*Sic patrum in natos veniunt cum semine morbi.*

Item metallorum fossiores, liquefactores, vel fossiores argenti vivi & arsenici facile in Phthisim incidunt &c.

Nunc

Diagnosti-  
ca incipi-  
entis.

Nunc quidquam de signis incipientis, & consummatae Phthiseos. Signa ex quibus dispositio in corpore humano talis, pulmoque incipere affici cognoscitur, sunt: febricula levis, tussicula frequens sicca, de qua *Avicenna in Canticis n. 284. si patiens non cessaverit tussire jam quidem incidit in Phthisim*; calor major, rubor labiorum, oris, genarumque. Certior adhuc erit Diagnofis, si incommoda hæc tempore ingressus novi Chyli in sanguinem augeantur, insurgant; accedit levis sudatiuncula nocturna, debilitas & consumptio vix advertenda, respiratio ad minimum motum anhelosa; ubi ulcus apertum, etiam sputum purulentum prodit.

consum-  
matae.

Sequuntur nunc signa consummatae quæ sunt sequentia: vigiliæ, oculi, tempora cava, compress-

pressæ nares, apex nasi tenuis,  
 genæ rubentes, ut sæpe utraque,  
 alterutraque sæpe intensius rubeat  
 vox rauca, sitis magna, anxietas  
 inexplicabilis circa vesperam ple-  
 rumque respiratio difficilis, levi  
 motu aut exercitio, facilis, aut  
 faciliior saltem in summa quiete;  
 tussis frequens, fere perpetuo sic-  
 ca vel humida, sputum iu aqua  
 subsidens, dulce pingue, foeti-  
 dum, rubrum. flavum, lividum  
 cineritium, ramentis pulmonum  
 sæpe commixtum, igni impositum,  
 carnem assam spirans foetidam,  
 quod jam *Hippocr.* pro signo cer-  
 tiori *in aphor.* notavit, ubi dicit,  
*fac phthisicum super accensos car-*  
*kones exspuere, etsi odor ille, qui*  
*cum sputo resolvitur, foetet, pro-*  
*nuncia ipsum esse phthisicum,* uri-  
 næ interdum oleaginosæ, vel fur-  
 furaceæ ob corporis colliquatio-  
 nem, Diarrhoca flava, foetida,  
 pu-

purulenta cadaverosa, colliquans,  
 quæ p̄tmo per vices iufestat,  
 ut per ſex, ſeptem dies eadem  
 careat, donec brevioribus factis in-  
 tervallis diu noctuque continuet;  
 ſudor nocturnus ingens, ſudor ad  
 ſcrobiculũ cordis, & in volis ma-  
 nuum, capilli deſluunt, unguēs  
 incurvantur, manus pedes intum-  
 eſcunt, febris hectica pergit,  
 intenſitate & decurſu varia, ete-  
 nim ſæpe eſt remittens quotidiana  
 cum exacerbatione poſt paſtum  
 & ad vesperam ita, ut tempore  
 antemeridiano melius ſe habeant,  
 ut febris ad plenariam apyrexiam  
 nunquam perveniat, ſæpe per  
 modum tertianæ, imo etiam quar-  
 tanæ, non tamen pro genuina ab  
 oculato Medico agnoſcendæ; de-  
 currit, quia die utut libero, ta-  
 men poſt paſtum, & ad vesp̄as vel  
 leviffime ſaltem ægrotum vexat  
 pulſus parvus, celer, languidus

&amp;

& facillime appresso paulo fortius digito evanescens, fugax calor, color quoque fugax, ut jam rubeant, jam palleant genis, pruritus toto corpore cum pustulis aquosis, manuum volæ ardent perpetuo (quod tanquam certum signum febriculæ latentis habetur) reliqua pellis frigescit; plus cutis, quam carnis adest, & in omnibus membris languida omnia, ut in foliis autumno marcidis, magisque cadaveris species præsens adeo, ut tanquam *vivum skeleton* superstes incedat: & ex Ovidii *Tristium libro* triste melos informant:

*Ossa tegit macies nec juvat ora cibus.*

Appetitus quidem in hac febre cæteris paribus viget, tamen nihil inde proficit corpus. Moritur pedetentim, & semine in semimor-



mortuo corpore gesta, gestat secum superstitem animam. Non possum hic mentionem non facere de singulari phthysicorum æquanimitate, qui dulci spe reconvalescentiæ freti, suum miserum statum patienter ferunt, donec inter edendum, surgendum, aliasque inter actiones inopina moriantur morte; ubi ex opposito nervosis conflictati morbis, conditionem suam pertæsi, medicamenta recusant, & reliquum vitæ impatientes ac mœsti transigunt si ergo complura ex his videris, dices cum *Ovidio*.

*Spes abiit, finemque vident in funere morbi.*

Characteres  
puris

Proderit non parum notas puris optimi & pessimi subjungere quæ medicum in prognosi formanda satis instruere possunt; & qui-



quidem puris optimi notæ sunt, ut sit album, leve, æquabile: consistens ad instar cremoris lactis, insipidum, minime foetidum; peffimum autem censetur illud, quod omnino ab his dotibus recedit.

Sequuntur jam regulæ quædam Prognostica.  
generales magnæ in Prognostica  
formanda utilitatis. 1. Phthisis  
pulmonalis a pure concluso exitu  
non habente orta lethalis  
est, si exitus puris liber arte con-  
ciliari non possit. 2. Phthisis hæ-  
reditaria omnium peffima, nec  
sananda, nisi cum præcautione  
Hæmoptoës. 3. Phthisis ab Hæ-  
moptoë per vim externam sine  
vitio interno præexistente cæte-  
ris paribus levissima. 4. Phthi-  
sis in qua subito rumpitur vomica,  
exspuitur pus bonæ notæ sine læ-  
sione functionis cujusdam diffi-  
culter quidem, sanari tamen potest

5, Phthisis ab Empyemate insana-  
 bilis. 6. Phthisis inveterata, de qua  
*Villanovanus* ait, *Phthibicus si*  
*confirmatus fuerit in Phthibi, ac-*  
*cipiamus ipsum tanquam mortuum*  
*in cura*: nullam omnino cureti-  
 onem admittit, præcipue dum ex-  
 succi vitiosi erosione id possident  
 ægri, quorum aliqui ut salsuginem  
 sputum suum se sentire ajunt. 7.  
 Quin & recentia pulmonum ul-  
 cera sanari difficillime possunt,  
 tum ratione situs, quia medica-  
 menta primo contactu ad partem  
 affectam pervenire non possunt,  
 sed per ambages deducta, eadem  
 tandem appropriata, tot subeunt  
 alterationes & mutationes, ut  
 antequam virtus eorum ad partem  
 affectam deducatur, prorsus fere  
 evanescat; tum, quia citra gra-  
 vem motionem ntpote tussim ex-  
 purgari nequaquam possunt, &  
 licet medicamentis conglutinantibus

bus callus fieri possit, durare tamen vix potest. cum a materia pulmonum aliena sit durities, quin motu facile rumpatur, deinde Phthisis curationem difficulter recipit, quoniam ad consolidandam quodvis ulcus, requiritur quies, pulmones vero, quamdiu vivimus sunt in perpetuo motu, adeoque consolidationem difficulter recipiunt. 8. Phthisis scrophulosa, tuberculosa curata nunquam legitur. 9. Si in Phthisi capilli defluant cum graveolente sputo & alvi fluxu, lethale signum est. 10. Alvi profluvium sicuti in aliis pectoris morbis, pleuritide, & pulmonia, ita in Phthisi etiam periculosum.

Indicationes sunt sequentes: Indicationes.  
 nempe febrim moderatam fervare,  
 inflammationem, si præsens est,  
 tollere, vomicam, si adest, ma-

turare, rumpere, ruptam, detergere, qualitatibus sputorum subvenire, ulcus tandem consolidare.

Cura

Expositis jam omnibus præmittendis, reliquum est quædam de curatione hujus morbi adeo tristis & funesti dicere, in qua advertat quisque, an morbus hic recens, an confirmatus sit, quod quidem nontam ad curam, quam ad Prognosim confert, interim ne semetipsum forte pensitationibus vanis, & ægrum medicamentis distorqueat, hoc utilitatis habebit; imo ausim forte dicere, quod supra tanquam dubium dixi; quare placuit eandem dividere in duplicem, incipientis scilicet, & confirmatæ Phthiseos curam, perque modum regularum quarundam eandem exponere. Attendendum itaque est ad febrim, quæ

Incipientis

quæ 1. si fuerit moderata, pus bonum, tunc profunt illa, quæ blande valent locum ulcerosum detergere, uti sacharata, melita. 2. Si febris magna cum pulsu debili, celeri, parvo, sputo graveolente, foetido acri, tenui, variegato, cortex peruvianus qui vires erigat, putredini, resistat, in medicamentum cedat. 3. si febris magna cum pulsu forti, duriusculo, sic. citate in faucibus, vocis rauedine; quod in serophulosis, & ad Phthisim prædispositis hominibus admodum frequenter hic loci observatur, venæsectio & emollientia nitrosa cum melle desiderantur. 4. si febris moderata aut parva, puris indoles tenacior sit, & difficiliter per sputa evacuetur, conveniet oxymel cum stib. dapb. non abluto, aliisque similibus convenienti forma datum, quod si præcedens medicinæ

viscido, tenacique pulmonem gravanti muco non sufficeret, acuatur potentiori, qualia plura in *materia medica* in scopum hunc recensentur. 5. si febris mitigata ulcus depuratum, remedia balsamica propinentur V. G. *Myrrha*, *Olibanum*, *mastix*, *Terebinthina*, *balsamus de mecha*, *peruvianus*, & his similia; in quorum usu sedulo advertendum est, febrim suppuratoriam illam, majorem saltem non debere esse præsentem, ne ignem igni addendo æger male applicata tali medicatione, sua occasione bona, loco ut eripiatur, morti tradatur, corpora enim hæc calidum aroma habent, ac propterea caute in tempore & in dosi cum iisdem mercandum est, 6. Si subiectum cacochymia scaturerit, quæ Phthiseos causa fuisset, eadem suo modo corrigenda tumque ulceris ratio habenda.

Quid

Quid jam agendum in concla-<sup>confirmatæ</sup> mata? Machinam labantem erecturus medicus hoc in casu vanam ludit operam, ne tamen spectatorem, sed medicum agere videatur neve ægrum auxilio omni destituat, propinēt apta forma corticem, quodsi forte in substantia datus præsentē alvo colliquativa eandem augeret, linquat, & ad arnicam currat, quæ data omnibiliborio ad dr. j. Diarrhoeam colliquativam sæpe sanat. Dixi quidem, quid in his angustiis tentandum esset, quæritur autem, an cum emolumento? Corticem sine discrimine hic exhibere, contrariari legibus medicis, scio, scio etiam attendendum esse 1. an vomica clausa, in qua mirum quantum ab ejusdem usu anguntur, ut sæpe ob inctum suffocationis desistere debeamus. 2. an vomica aperta, in qua tabificum adhuc



per aliquod tempus sustinere potest; ex quo consequitur, in primo casu extabescentem sine omni auxilio relinquendum esse. An hoc locum habet? nequaquam: detur saluberrimus cortex, qui ipsas nimirum increbescences febriles periodos, per quas mors acceleratur, si jam non tollit, saltem inhibet, & ægri vitam in longius protrahit; meminisse quoque oportet; corpus, quod venenatum fieri posset, in manu prudentis Medici sæpe esse medicamentum, Juvabit quoque in hoc tristi casu clyσμα ex Terebinthina vulgari, Theriaca andromachi, & lacte recenti vaccino cocto conflatum injicere, quod ut acuatur, extinguunt in eodem chalybem ignitam, sicque utuntur. Non possum hic oblivisci salubris illius syrupi Diacodii & medicamentorum anodynorum, quæ



in utroque morbi gradu expetuntur, ut asperam tussim leniant, quo fit, ut conciliata pulmoni nocturnis horis quiete, matutinis horis pus bonum coctum exscreetur facile, & cum levamine, eodemque illo tempore, dum nulla tussi agitur pulmo, spes fit, sub bono pure consolidationem ulceris incipere posse, unde si cura rite procedat, sensim quotidie puris copia minuitur sine omni anxietatis sensu, quæ pus retentum comitari solet. His & non aliis per reliquum vitæ tempus pergendum est, donec mors sequatur, quæ alioquin jam fores pulsatur. Universim hic non morbo, sed symptomati medicina fiat.

Subjungam adhuc sequens non <sup>Paracenthesis.</sup> leve Quælitum: cum in Empyemate sectio inter costas cum ægri

salute fiat, utrum idem in Phthisi non possit practitari? R. quantum constat, haecenus non fuit practicum; attamen si unum inferiorum pulmonis loborum maxime ulceratum esse, & plus materiae generare, quam ut exspui possit, reperiretur, absque dubio thoracis apertio commode celebrari posset, tum ut materia per viam breviorē & commodiorem educeretur, tum ut pulmonum ulcus injectis per Syringam abstergentibus facilius consolidari valeret. *Cell de sorbait* meminit se quemdam in Nosocomio patavino vidisse, qui gestata cannula plumbea simile habebat in pectore emunctorium. Puris e pulmone educationem *per sectionem* jam *Hippocrates* non ignoravit. Facienda autem est sectio circa quartam & quintam costam a superioribus numerando, cavendo

do finem costarum inferiorum; quibus adhæret Diaphragma, cujus læsio periculosa foret; fiat itaque sectio, antedicta, in medio duarum costarum totam puris quantitatem minime educendo, ne simul spiritus & vita educatur: hinc ait: *Hipp, 6, aph, 27. Quicumque Empyici uruntur, aut secantur, si pus universum effluerit omnino moriuntur; & si pus album educatur bonum, si cruentum, sætens & sæculentum, malum,*

Curationis complementum constituat enarratio quarundam methodorum veterum curandi hunc morbum, *Helideus de Pado*. Cauteria  
*anis* cauteria brachiis, pedibus, imo etiam futuræ coronali applicat *Guilelmus Fabricius in cent observ. fol. 166*, Phthisin curat se. Seraceum.  
 taceo Nuchæ applicato. *Cornelius Celsus lib. 3. cap. 22*, Pectus urit Urtio:

variis in locis sub mento, in gutture, & ad mammam utramque, item subimis ossibus scapularum, nec ulcera sanari permittit, nisi remittente prius febre, & tussi desinente. Idem facit *Aetius serm. 4. cap. 57. Galen. 5. Meth. cap. 5.*

*Sinapismus.* Sinapismos de stercore palumbium & thapsia capiti derafo applicat.

*Diæta,* Ultimum est, ut diætam exponam, quæ tum medicamentis tum ipsi corporis virtuti secundum sex res non naturales accommodanda est. *Aer* fit in activis qualitatibus temperatus, ad siccitatem vergens qualiter curat

*Gal. 5. Meth cap. 12.* dum phthificos ad thebas montes ablegat, ubi aer est ficcus, qui citius ad pulmones transit, eosque exsiccatur: hinc ejus mutatio pulchrum est remedium, *Cibus*, quidquid rudi Minerva oggerat *Crembsius*

de-

debet esse euchymus, seu boni succi, ut corpus emaciatum restauret, & ob facilem concoctionem calorem imbecilem non gravet, simul & sit refrigerans, & humectans, ut ignea & sicca partium temperamenti substantifici, in quo febris hectica subiectatur, substantia corrigatur: nec obstat, quod aerem siccum præscripserimus, hic enim respectum habemus ad Phthifim; deinde cibus non penetrat tam cito ad pulmones, quam aer, sed partium solidarum siccarum, & calidarum, cibus ille refrigerans & humectans debitum sit nutrimentum, itaque convenient juscula ex *avena, bordeoamygdalis dulcibus*; pulles ex *avena, bordeo, orisa, mica panis albi cum lacte caprino*. Commendantur carnes avium montanarum ova forbilia, testudines &c. & cum ob extenuationem pluri ege

egent phthifici alimento: frequen-  
tia exhibendi debet supplere quan-  
tatem, ne calor debilis onere-

**Commenda-**tur. Lac humanum, asininum,  
**tio lacris.**

caprinum præ reliquis cibariis in  
usum cedant; nam facilius in sub-  
stantiam alendi convertuntur, at-  
que distribuuntur. *Hipp. 5, aph.*

64. & non tantum alimenti sed &  
medicamenti vires obtinet lac,  
hinc ulçeri pulmonum apprimis  
convenit, utpote ejus repurga-  
tioni, consolidationi, & nutrimen-  
to corporis ob principia sua aptum.

Et si magis glutinandam, ustulato  
utendum, ut partes serosæ ex  
parte consumantur & figantur:  
hinc tempore absterfionis. *Hy-*  
*sopus, Saturcia, Thymus,* & si-  
milis, tempore vero consolida-  
tionis, *Poligonum, Bursa pastoris,*  
*Millefolium - Sanicula, alchimilla*  
capris vel asinis exhiberi potest

**Præcautio-**Dandum autem est lac saccharo  
**ni ejus usu**

rosato permixtum, vacuo ventriculo, et mundato ventre, cum sua natura facile corrumpatur, si incidat in ventriculum impurum; nam in frigido ventriculo acidus, in calido nidorosos ructus parit, deinde secundum *Hipp. 5. aph. 64* Lac caput dolentibus, hypnochondria elata aut murmurantia habentibus febriculosis, & siticulosis malum, utpote illis acescat, his in nidorem convertatur, & quasi aduratur. Lac recipitur etiam in balneo, quod febrim hecticam extinguit, humoribus suam demit acrimoniam; & calorem naturalem resuscitat. Cibi omnes acres, acidi, falsi, quales sunt pisces & carnes infumatæ, aromata, cepæ, sinapi relinquendi, e contra conditis ex passulis amygdalis saccharo & melle uti licet. *Potus* fit decoctum<sup>Potus.</sup> hordei cum Glycyrrhiza; passulis ficibus, semine anisi &c. paratum,



tum, item cerevisia alba, quæ multo non abundat lupulo; super omnia vitanda sunt nimia repletio & inanitio, venus, alvi adstrictio exercitia sunt moderata, caveatur a clamore & frequenti locutione, vehementique pulmonum motu, consolidationi ulcerum inimico, quibus corpora incalescunt.

**Somnus.** *Somnus* sit moderatus, atque nocturnus. Animi pathemata sunt moderanda, iram præsertim & tristitiam vitent ægroti, quæ corpora conficiunt. Et hæc de Phthisi.





# THESES.

I.  
Non nisi exacta cognitione naturæ morbi felicem praxim sperare licet.

II. Hujus vero diagnosi præmissa, sagax Medicus sæpe spectatatorem agere debet, nisi aut æthiopem lavare, quod insciam arguit, aut naturam in salutari molimine turbare, & ægrum periculo exponere velit.

III. Meminisse enim oportet Medicum esse naturæ ministrum, atque

IV. Æque magnum esse in arte Asclepiadea, qui curanda curat, quam qui incurabiles agnoscit morbos.

V. Nullus adhucdum morbus remedio infallibili specifico gloriatur.

VI. Male itaque Cortex per Elix. vitrioli Londinense antiphthysicum dicitur.

VII. Nisi etiam saccharum lactis saccharum ro-

sa-

faceum phthificis sæpe  
proficuum specificum di-  
cere velimus.

VIII. Generalioris ta-  
men usus in ulcere pul-  
monum est lac, & pulvis  
inde paratus, dummodo  
ab hoc empyreuma lon-  
ge exulet.

IX. Ita quoque Phle-  
botome, si non sanitatem  
reddit phthificis, eorum  
tamen vitam prolongat:

X. Anodinis vero mul-  
tum levari eosdem mul-  
tiplex experientia confir-  
mat.

XII.

XII. Paracenthesis  
Phthisi levamen, imo  
medelam afferre, & ra-  
tioni & praxi non repug-  
nat.

XII. Bâlsama nativa,  
ut & aquæ minerales, con-  
firmatam Phthifim exa-  
cerbant, mortemque ac-  
celerant.

XIII. Ita quoque fe-  
bris, multos curans sub-  
inde morbos, in Phthifi  
tanquam symptoma, &  
signum malum.

XIV. Et largas corti-  
peruv. doses exigit.